



PROJEKT FINANSIRA
EVROPSKA UNIJA

JAVNI POZIV



Engagement Des
Nations

ZA ODABIR KORISNIKA/CA POMOĆI ZA IZGRADNJU I SANACIJU STAMBENIH JEDINICA UNIŠTENIH ILI OŠTEĆENIH U POPLAVAMA 2014. GODINE NA PODRUČJU OPĆINA/GRADOVA: CAZIN, DOBOJ ISTOK, DOMALJEVAC-ŠAMAC, GORAŽDE, GRAČANICA, KAKANJ, KALESIJA, MAGLAJ, ODŽAK, ORAŠJE, SAPNA, TEŠANJ, TRAVNIK, VAREŠ, VOGOŠĆA, ZAVIDOVIĆI, ZENICA I ŽEPČE

I PREDMET JAVNOG POZIVA

Predmet javnog poziva je odabir korisnika/ca za učešće u Projektu oporavka od poplava, koji finansira Evropska unija, a implementira Razvojni program Ujedinjenih nacija u BiH (UNDP u BiH) u partnerstvu sa nevladinim organizacijama Arbeiter-Samariter-Bund (ASB) i Hilfswerk International Austria (HWA).

II OPĆE INFORMACIJE

Projekat oporavka od poplava predstavlja nastavak aktivnosti na polju sanacije šteta uzrokovanih elementarnim nepogodama koje su Bosnu i Hercegovinu pogodile 2014. godine. Projekat je usmjeren na trajno stambeno zbrinjavanje i ekonomsko osnaživanje žrtava poplava i klizišta, kroz izgradnju i sanaciju individualnih stambenih objekata, pomoć maloj poljoprivredi, te kreiranje novih radnih mjesta u privatnom sektoru, a sve u cilju pružanja pomoći socijalno ugroženim kategorijama stanovništva u poplavljenim područjima.

Projekat oporavka od poplava, zajedno sa partnerskim jedinicama lokalne samouprave, poziva sve zainteresirane nosioce domaćinstava, koji ispunjavaju kriterije Javnog poziva, da podnesu prijavu za učešće u projektu u mjestu prebivališta.

Javni poziv je otvoren od 09.10.2017. do 09.11.2017. godine.

III SMJERNICE ZA PRIJAVU

Prijavu na javni poziv mogu podnijeti fizička lica, odnosno nosioci domaćinstva za porodice.

Formular za prijavu se može preuzeti na sljedećim lokacijama:

- Prostorije Općine/Gradske uprave;
- Prostorije Centra za socijalni rad;
- Prostorije mjesnih zajednica;
- Web stranicama Općina/Gradskih uprava i www.ba.undp.org.

Tražene podatke u formularu za prijavu treba ispisati čitko štampanim slovima.

Prijavu potpisuje nosilac domaćinstva i unosi svoje lične podatke.

Uz formular za prijavu, aplikant/ica je dužan dostaviti i svu potrebnu prateću dokumentaciju kojom dokazuje svoj status, kako je navedeno u stavu VI javnog poziva, a po osnovu koje će se vršiti bodovanje.

Prijave se predaju u prostorijama Općine/Gradske uprave u zatvorenoj koverti na kojoj je potrebno staviti naznaku „PRIJAVA NA JAVNI POZIV – PROJEKAT OPORAVKA OD POPLAVA – NE OTVARATI“.

Aplikantu/ici koji/a u predviđenom roku preda propisno zapakovanu aplikaciju, biti će izdata pisana potvrda o prijemu dokumentacije od strane općinske/gradske službe. Dobivenu potvrdu je neophodno sačuvati kao dokaz o prijavi na javni poziv.

Nepotpune i netačne prijave se neće uzimati u obzir.

IV KRITERIJI ZA ODABIR KORISNIKA

1. OPŠTI KRITERIJI

- 1.1 Stambena jedinica je oštećena ili uništena usljed poplava ili klizišta 2014. godine i nije uslovna za stanovanje;
- 1.2 Porodica, odnosno osoba koja se prijavljuje na javni poziv je prebivala u predmetnoj stambenoj jedinici 2014. godine;
- 1.3 Stambena jedinica posjeduje odobrenje za građenje ili ispunjava uslove za izdavanje odobrenja za građenje (za objekte koji ne posjeduju odobrenje za građenje, ispunjavanje uslova za izdavanje istog bit će potvrđeno tokom terenske verifikacije od strane Općine/Gradske uprave);
- 1.4 Porodica, odnosno osoba koja koristi stambenu jedinicu, je:
 - trenutno raseljena sa prebivalištem u kolektivnom centru;
 - trenutno raseljena sa prebivalištem u iznajmljenom objektu ili kod prijatelja, odnosno porodice;
 - trenutno raseljena sa prebivalištem u improviziranom smještaju;
 - sa prebivalištem u stambenoj jedinici koja je oštećena, ali ne zadovoljava minimalne uslove za stanovanje;
- 1.5 Osoba koja se prijavljuje na javni poziv, kao i članovi njegovog/njenog domaćinstva, ne posjeduju drugi stambeni objekat uslovan za stanovanje;
- 1.6 Oštećeni ili uništeni objekat je u vlasništvu osobe koja se prijavljuje na javni poziv ili člana njegovog/njenog domaćinstva.
- 1.7 Stambena jedinica nije bila predmetom sanacije kroz neki od ranijih projekata oporavka od poplava.

Opšti kriteriji su eliminatorni i obavezujući za sve potencijalne korisnike pomoći.

2. DOPUNSKI KRITERIJI

2.1 Domaćinstvo je u stanju socijalne potrebe.

2.2 Domaćinstvo je u nepovoljnoj socijalnoj/ekonomskoj situaciji.

V NAČIN BODOVANJA

KRITERIJ	BODOVANJE
Broj članova domaćinstva	1 član = 1 bod
Broj nezaposlenih članova domaćinstva	1 član = 1 bod
Broj studenata u domaćinstvu	1 član = 1 bod
Članovi domaćinstva su osobe sa invalidetom preko 80% (neratni invalidi i civilne žrtve rata, ratni vojni invalidi I i II kategorije)	1 član = 1 bod
Članovi domaćinstva su korisnici socijalne pomoći, stalne novčane pomoći ili socijalnih prihoda po osnovi socijalne zaštite, kućne njege III pomoći Iste III slične kategorije	1
Članovi domaćinstva su samohrani roditelji, usvojitelji ili staratelji	1
Porodice poginulih boraca, nestalih osoba, logoraši	1
Porodice bez stalnih novčanih primanja (uključujući i prihode po osnovu socijalne zaštite)	1
Porodice sa djecom školskog i predškolskog uzrasta gdje su ukupna primanja domaćinstva ispod iznosa sindikalne potrošačke korpe za posmatrani period	1
Članovi domaćinstva su raseljena lica ili povratnici	1
Osobe starosti preko 65 godina	1
Porodice koje stanuju u uništenom/oštećenom objektu koji ugrožava njihovu sigurnost	1

VI POTREBNA DOKUMENTACIJA

1. DOKUMENTACIJA NEOPHODNA ZA ISPUNJAVANJE ELIMINATORNIH KRITERIJA

- 1.1 Potvrda od nadležne općinske/gradske službe o šteti nastaloj na objektu tokom elementarnih nepogoda u 2014. godini;
- 1.2 Uvjerenje o kretanju za 2014. godinu izdatu od strane nadležnog organa;
- 1.3 Ovjereni izjava da osoba koja se prijavljuje na javni poziv, kao i članovi njegovog/njenog domaćinstva, ne posjeduju drugi stambeni objekat uslovan za stanovanje;
- 1.4 Dokaz o vlasništvu nad stambenom jedinicom koja je pretrpjela štetu (posjedovni list, zemljišno- knjižni izvadak, rješenje o nasljeđivanju, kupoprodajni ugovor i slično).

